

寧波歷史文獻叢書

宋元四明志

【四】

寧波市地方志編纂委員會 整理

寧波出版社

開慶四明續志

鄞陸廷敬題



咸豐甲寅歲角上

煙嶼樓徐氏開雕

四明續志序

四明志作於乾道迷於寶慶詳矣然則何續乎所以志大使丞相履齋先生吳公三年治鄞民政兵防士習軍食興革補廢大綱小紀也其已作而述者不復志昔人謂舊相出鎮者多不以民事爲意惟向文簡大耐官職勤於政事所至著稱公不均其逸而先其難過於文簡數等矣又謂寇萊公所至多游宴張文定倘蕩任情獲盜縱遣公慨念海道東達青齊禦侮弭盜之方周防曲至世人未必盡知也若夫切切畎畝盼盼雨晴一游一詠可以觀焉故併載之于后以詔來者蓋公之學達於

體用自身而家家而國國而天下有本者固如是也豈
規規然求度越於寇張二公哉雖然鄞猶故鄞也昔何
爲而匱今何爲而豐昔何爲而蕩無紀綱今何爲而粗
知理法覽者必有得於是編之外開慶元年中秋日門
生迪功郎慶元府府學教授梅應發奉議郎添差沿海
制置大使司主管幾宜文字新添差通判鎮江府劉錫
百拜謹書

四明續志目錄

卷第一

慶元府額

增秩因任

學校

科舉

城郭

坊巷

卷第二

郡圃

驛亭橋路
附寺廟

惠民藥局

卷第三

水利

卷第四

興復省併酒庫

經總制司

興復經總制諸酒務坊場
附渡

廣惠院

兩獄
廂院兵馬司附

架閣庫樓

卷第五

新建諸寨

夜飛山永平寨向頭寨

九寨巡檢

烽燧

探望

卷第六

三郡隘船

出戍

水閱

作院

武藏

小教場

帳前撥發壕寨官舍

卷第七

排役

樓店務地

府倉斗斛

蠲放官賦

卷第八

蠲放沙岸

蠲免抽博倭金

收養飄泛倭麗人收刺麗國送還人附。按曰本書目下無收刺麗

國送還人七字宋刻本同當係誤脫

賑濟

祈禱

龍見附

瑞麥

卷第九

吟藁上

卷第十

吟藁下

開慶四明續志

煙嶼樓校本

卷第十一

詩餘上

卷第十二

詩餘下

四明續志卷第一

宋元四明六
志第三十四

宋 梅 應 發 等 撰

慶元府額

寧宗皇帝登大寶以明爲龍藩陞慶元府自參政何公
立扁後至寶祐二年中更水火屢撤去久而未立四
年九月大使丞相吳公出鎮興廢補闕至五年四月
始援筆書之八法端嚴九鼎鎮重自是郡境清謐無
復曩歲非時之警邦人朝莫瞻戴殆與四明山川輝
映無極云

上牌致語
附見於左

寧皇惠朱邸以演綸久升表揭元輔福蒼生而運筆

重爲扁題三大字鬱鬱蛟纏四明窗停停虹貫旄倪
觀改鼓角聲和恭惟大使判府大觀文丞相樞使國
公闢學海以朝九流厲詞鋒而挫萬物虎榜首登鳳
池身到旣符作者之七人黿頂峯戴鰭穴水浮來挾
飛仙於三島以大臣而盡民事勤小物而穆師言牛
隴春酣是處無襦而有袴鯨洋風定何人佩劍而帶
刀百廢具興一日必葺念昔被茂陵之親擢優爲嘉
定之掄魁于今領潛藩以保釐忍視慶元之虛額拈
尖頭而點染舉大手而特書秀傑摩雲河海盡歸于
彈壓精華衝斗鬼神俱聳于觀瞻天閤方隨機而拓

開地靈已如響而發達豈止篤生鄉彦嗣十人宰相
狀元便當速肖邦君添幾人狀元宰相民生視阜郡
望增雄萬斛力一揮盡拭目鮎亭之氣象中書君未
老更傾心鳴閣之經綸胡顯等既忝齊優敢呈巴俚
慶元天子舊名藩寶祐元戎新榜顏鬱鬱蛟纏三大
字停停虹貫四明山百年老穉驩聲沸千古山河旺
氣還便挾島仙天上去再提此筆福人閒

增秩因任

制

寶祐五年正月六日御筆吳潛特與轉一官職任依舊

門下朕修我有夏以誕保受民每歲孟春則大計羣吏
矧臣作股肱耳目之舊而時若州牧侯伯之賢是有
袞衣越在外服對三陽之泰長敷大號以渙敷觀文
殿大學士宣奉大夫沿海制置大使判慶元軍府事
兼管內勸農使金陵郡開國公食邑五千四百戶食
實封壹阡伍伯戶〔按曰〕宋刻本食邑作一二三四千
百食實封則作壹貳叁肆阡伯雖
無關宏旨然當時官書式固如此此葉誤刊重行另刻依改餘篇不復羈削附識於此 吳潛方
厚秉彝中和迪行漱六藝之芳潤則資之深詡萬物
而發揚其德可大頃焉相朕咨以奮庸若鹽梅之和
羹期於予治以薰蕕之共器不潰于成斂而經濟之

謀重我蕃宣之寄鄧山嶽嶺欣草木之向榮滄海洋
洋妥波濤而不口當治象甫頒之日正士夫更始之
初膺貢受圖曩侍春王三朝之會承流宣化今爲東
方諸侯之先時而颺之民之表也雖璽書增秩非所
以待大臣而民功曰庸其可無于懋賞爰峻祿臣之
品申陪井邑之封於戲王職如歲兼四時朕方體元
工之運豕宰阜民倡九牧爾尙新治理之功益懋乃
猶祇若予訓可特授光祿大夫依前觀文殿大學士
沿海制置大使判慶元軍府事兼管內勸農使金陵
郡開國公食邑五千四百戶食實封一千五百戶主